

UGOVOR

o snošenju troškova po osnovu ostvarivanja prava na besplatnu vožnju u javnom gradskom saobraćaju na području Kantona Sarajevo ratnih vojnih invalida, članova porodica šhida i poginulih boraca i dobitnika ratnih priznanja i odlikovanja za period 01.04.-31.12.2020. godine

Zaključen između:

1. **Centrotrans-Eurolines d.d. Sarajevo**, Kurta Schorka broj 14, kojeg zastupa Generalni direktor Mr.sc.Čengić Safudin, identifikacijski broj 4200153220003 (u daljem tekstu Centrotrans-Eurolines d.d. Sarajevo) i

2. **Ministarstvo za boračka pitanja Kantona Sarajevo**, R.Dž.Čauševića br.1, koga zastupa ministar Hajrudin Grabovica, identifikacioni broj 4200662450000 (u daljem tekstu: Ministarstvo).

Ugovorne strane dogovorile su se o slijedećem:

Član 1.

Ovim Ugovorom regulišu se prava i obaveze ugovornih strana po osnovu snošenja troškova korištenja javnog gradskog prevoza za ratne vojne invalide, članove porodica šhida i poginulih boraca i dobitnike ratnih priznanja i odlikovanja na području Kantona Sarajevo, odnosno realizacije prava na besplatnu vožnju u javnom gradskom saobraćaju na području Kantona Sarajevo, a koje proizilazi iz čl. 46. i 47. Zakona o dopunskim pravima boraca – branitelja Bosne i Hercegovine („Službene novine Kantona Sarajevo“, br. 45/12 – Prečišćeni tekst, 26/14, 46/17 i 18/19), za period 01.04. – 31.12.2020. godine, sredstvima predviđenim Budžetom Kantona Sarajevo za 2020. godinu broj 01-11-7382/20 od 11.03.2020. godine („Službene novine Kantona Sarajevo“ broj 10/20).

Član 2.

Ministarstvo preuzima obavezu da preduzeću Centrotrans-Eurolines d.d. Sarajevo, za ratne vojne invalide, članove porodica šhida i poginulih boraca i dobitnike ratnih priznanja i odlikovanja koji koriste usluge prevoza vozilima preduzeća na registrovanim linijama, subvencionira puni iznos, odnosno plaća troškove cjelokupnog iznosa koštanja mjesečne karte.

Iznos plaćanja je 31,90 KM mjesečno po korisniku usluge prevoza vozilima Centrotrans-eurolines d.d. Sarajevo za sve zone prevoza – A, B, C i D.

Cijena koštanja je utvrđena članom 1. tačke E Odluke Upravnog odbora KJKP „GRAS“ d.o.o. Sarajevo broj 37/454 od 15.12.2005. godine o utvrđivanju cijene prevoznih usluga preduzeća, a u skladu sa Zaključkom Vlade Kantona Sarajevo, broj 02-05-25800-12/08 od 03.09.2008. godine, a shodno Privremenom uputstvu o načinu utvrđivanja i definisanja elemenata tarifnog sistema u KS broj: 04-14-3020/16 od 03.02.2016. godine, cijena vrijedi i za Centrotrans-Eurolines d.d. Sarajevo, odnosno ostale ovlaštene prevoznike.

Sporazumom o utvrđivanju stvarne cijene koštanja komunalne usluge Javnog linijskog prijevoza putnika na području Kantona Sarajevo potpisanim u skladu sa Zaključkom Vlade Kantona Sarajevo broj 02-05-44303-32/19 od 30.12.2019. godine prethodno utvrđena cijena nije mijenjana.

Član 3.

Centrotrans-Eurolines d.d. Sarajevo je dužan da podjelu mjesečnih kupona vrši isključivo na osnovu spiskova korisnika kojima je priznato pravo na besplatan gradski prevoz, a koje mu mjesečno dostavljaju općinske službe za oblast boračko-invalidske zaštite općina Kantona Sarajevo.

Ministarstvo daje saglasnost da izgled i način distribucije kupona samostalno određuje Centrotrans-Eurolines d.d. Sarajevo, a o čemu će biti obaviješteno Ministarstvo i općine Kantona Sarajevo.

Član 4.

Izradu iskaznice vrši Centrotrans-Eurolines d.d. Sarajevo po nalogu Ministarstva za boračka pitanja Kantona Sarajevo ili nalogu nadležnih općinskih službi na osnovu odgovarajućeg rješenja.

Cijena iskaznice iznosi 2,50 KM, a cijena plastičnih omota za iskaznicu 0,50 KM. Iskaznicu plaća naručilac. Eventualna izmjena načina izdavanja i plaćanja iskaznice će biti naložena odgovarajućom instrukcijom, uz potpisivanje aneksa ugovora.

Član 5.

Centrotrans-Eurolines d.d. Sarajevo se obavezuje da mjesečno vrši obračun prodaje mjesečnih kupona, te vrši fakturisanje istih Ministarstvu. Sastavni dio fakture je Zapisnik o utvrđenom stanju izdatih kupona, po prodajnim mjestima i općinama, za ratne vojne invalide, porodice šehida i poginulih boraca i dobitnike ratnih priznanja i odlikovanja. Sastavni dio fakture su i potpisani općinski spiskovi korisnika koji su preuzeli kupon.

Ministarstvo zadržava pravo da može izvršiti kontrolu broja izdatih i fakturisanih kupona za ratne vojne invalide, porodice šehida i poginulih boraca i dobitnike ratnih priznanja i odlikovanja.

Član 6.

Obzirom na situaciju sa pandemijom, kuponi izdati za mjesec mart 2020. godine vrijede i kao kuponi za mjesec april 2020. godine, te će faktura po osnovu korištenja javnog gradskog prevoza u mjesecu aprilu 2020. godine biti sačinjena na osnovu broja preuzetih i fakturisanih kupona za mjesec mart 2020. godine, eventualno uvećana za dodatno izdate kupone u mjesecu aprilu, u kom slučaju je neophodan spisak preuzetih kupona.

U slučaju vanredne situacije, po zahtjevu Centrotrans-Eurolines d.d. Sarajevo, Ministarstvo može dati pismenu saglasnost da kuponi izdati za određeni mjesec vrijede i za naredni mjesec, odnosno služe kao osnova za fakturisanje.

Član 7.

Eventualne izmjene cijena usluga javnog gradskog prevoza, kao i načina i forme dostavljanja mjesečne fakture, regulisaće se ugovorom ili aneksom ugovora.

Član 8.

Ministarstvo se obavezuje da će plaćanje po ispostavljenoj fakturi izvršiti u roku od 15 dana od dana prijema fakture, a u skladu sa dinamikom priliva sredstava u Budžet Kantona Sarajevo, uplatom novčanih sredstava na transakcijske računa preduzeća broj: 3383202251241969 kod Unicredit banke ili broj: 1602005500060267 kod Vakufske banke, odnosno drugi račun po zahtjevu Centrotrans-Eurolines d.d. Sarajevo.

Član 9.

Sve sporove nastale u primjeni ovog Ugovora stranke će riješavati mirnim putem. U slučaju da se nastali spor ne može riješiti mirnim putem, sporovi će se riješiti kod nadležnog Suda u Sarajevu.


Član 10.

Ovaj Ugovor sačinjen je u 4 (četiri) istovjetna primjerka od kojih svaka strana zadržava po dva (2) primjerka za svoje potrebe.

**Ministarstvo za boračka pitanja
Kantona Sarajevo**

Ministar

Hajrudin Grabovica



Broj: 06-11-1801-4/20

Datum: 27.03.2020. godine

**Centrotrans-Eurolines d.d.
Sarajevo**

Generalni direktor

Mr.se. Cengić Safudin



Broj: 1/2182110

Datum: 07.04.2020.g.

